

**2** Гъалабван  
Рутулла  
районнизиб  
мажлис  
бетерхур



**4** Аллагълизибад  
урехи



**5** Магъарла  
вятґда (никяхӀ)



НА ДАРГИНСКОМ ЯЗЫКЕ

РУХИЛА ВА БАГЪУДИ ТИИТБИРНИЛА ШАЙЧИБСИ ГАЗЕТА

## Илис ну гъаларван дигахъулра...

**Иш анцӀбукъли бикъридеш дируси ца секӀал саби: «Нуша – ЧевяхӀсиличила Ӏ хъумхӀертес ва Илис Ӏ икрамбирес гӀягӀнити адамти сарра, амма гъарилли-декӀар иличила балули ахӀен...»**

ДигаӀ, дигаӀ, дигаӀ... Сецад дурибти илдачила! Илдачила дахъал делкӀун, дуриб, далуйти делчӀун... ДигаӀла мягӀна биалли бекӀлил ургӀебси саби, назмуртазибси ва поэмабазиб-сигъуна ахӀи. Иш анцӀбукъличила ахирличи бикайчи белчӀадалли, хӀушани иргъидая Аллагъличи Ӏ ахӀенти цархӀилти дигаӀ агниличила.

Илди цалис ца дебали дигулри, цархӀил хӀебиалли, чули илкъяӀда буйгӀулри. Интернетглизиб тьянишбуубли, бархбас бузахъи.

Илала мухӀлилизид нуну мурталра иргъуси ца секӀалри – «ил сецадла гӀяхӀсил!» Аммаки, лебтасалра ашкарливан, Интернетлизибад, телефоннизибад, «асъкализивад» хӀед урхӀласили ветаруси адамличил бархбас бузахъни Исламлизиб къадагъаласилизи (хӀЯрамсилизи) халбируси саби.

Лебтазибадалра дигӀянни чум дус бузахъи илдани ил бархбас! «Иличил хӀуни се багъандан бархбас бузахъуси?» ибси дила суайс илизибад нуну ца секӀалри аргъибси: «Наб ил дигахъулра!»

Гъачам дуцӀрумла ца бархӀи нуша парклизид скамейкаличид кадийбхӀели, иличи сунени дигаӀ дихъниличила гъайрикӀес рехӀрихъиб: «... ил дигахъулра рикӀес рирули ахӀенра, сенкӀун «дигулра» ибси дев иличирти дила уркӀила хӀяланас дебали биштӀаси саби. Нура илра ца гъавали гъигъдикӀулра, ца ванзакад дашулра. Балулрив, иличила пикрирухъасли



наб кункдеш гъанарули саби...» Ну карили иличи лехӀирхъулра. Ил гъайрикӀес даимриуб, амма ил

замана нуну илала гъай къябаира ва хъарбаира: «ХӀед сай къяйдали хӀу сунес дигахъулри вара?» Жавабла мерличиб белгиагӀрси лехӀдеш. Чумал секундли илини жаваб гӀиб: «Илис нура наб сай къяйда дигахъулра...»

Амма, ашкарливан, илдигъунти дигаӀ дирути ахӀен. ТамяхӀкардеш агарти ва дазурби агарти дигаӀ ЧевяхӀсиличицун сари дирути, яра дудешличи, нешличи, узбачи ва рузбачи. Сецад талихӀа хӀед дигутала лагъли ахӀи ЧевяхӀсила Ӏ лагъли вигӀни! ЧевяхӀсила Ӏ амру бихни балули, дехӀиба къалтинничид кайзурли Аллагълис Ӏ сужда бирули, хӀериз иштӀахӀдулхъули сари. Чедаахъибти лерилра дурадуркӀули, гъачам гъатӀи хӀези хӀуни иргъахъулри хӀу гъарли-марси бусурман хъунул адам ригъниличила. ЧевяхӀсили Ӏ къалли нуша алкӀахъули сунела хъарбаркъуни тамандирахъули, Сунесцун Ӏ сужда бирахъули, хӀердиахъес дигули сай, шайтӀайчи лехӀхӀейхъахъули ва илис мукӀурхӀедикӀахъули.

ХӀуша пикридухъеная: ЧевяхӀсилис Ӏ мукӀурли вигӀни – сегъуна тӀалихӀал! Дила уртахъли биалли ил аргъес рирули ахӀен, яра дигули ахӀен!..

ХӀера илди чула ургабси бархбас бузахъес даимбиубли саби, ил къалли жявлив бехӀбихъибсири. Саби бикӀуливан, «илди ца агарли итил хӀербиес бирули ахӀен». Илди гъар бархӀилати гъунибагӀниби, цала цали някъби дуцили бацла шалалиур дурадуркӀути шадиб-гъундури, дигӀянати ихтилатуни, гъунгелти, мукӀурбакӀуни ва ишар нуну дурес хӀейгути – илди лерилра шайтӀанничил дархдасунти сари. Иличирли къалли лерилра секӀал дехӀдирхъути! ХӀу чи сайрил ва хӀу АкӀахъубси Ӏ чи саял хӀуни хъумуртулри!

Дусми аркъулри – илди халабиулри, илкъяйдали илдала бархбасунира мурхӀдикӀулри... » 5

## ИгбагӀла наслулизивадси Шайх-Тасаввуфличила

...БехӀбихъуд арбьякъунси номелизиб саби

### Суфийти джихадлизиб

Аллагъличи Ӏ аркъуси гъуйчибси джихадличила дикӀахӀелли, бусурмантани зулмукартачи ва гъармукабачи къаршили дурадуркӀути лерилра дьятазиб гъуни чебиахъути суфийтала имамти сабри. Чилири Иерусалим азадбатахъуси? Чили сабри ил азадбатахъес аркъутас гъуни чебиахъуси? Ил СалахӀутдин ал-Айюби сайри. Илинири Сириялизибси КосӀен бикӀуси дубурличир суфийтала белчӀудила центурти абхъибти. Аллагъла Ӏ гъуникад башути азадбалтахъанти хӀядурбарахъес багъандан, СалахӀутдин аль-Айюбили ва Нуруддин Занкини бусурманти азадбалтахъуси гъуни кабихъиб – сунезиб джихадлис багъишлабарибси цалра бекӀ агарси «Суфизмаличила халаси жузла» хъулчиличир динна гӀилму чесагадариб. Амма илдани балулри бусурманти убяхӀбирнилис ва илдани саби батахъес хӀебирнилис

сабаб, хӀядислизиб буриливан, шала дунгъа дигнилизид ва бекӀализибад урухӀули бигӀнилизид сабри. ИлхӀели илдани илгъуна жагъал агарбируси ил жуз някълизи касиб – ва адамти джихадличид хӀядурбариб.

Чи сайри Къанчла ВерхӀибил сапар тӀашаибти гӀяскуртала байрахъчи ва Аль-Мансурлизиб Людовик УрчӀем-ибил пачяхӀ ясируцибси? Ил сайри Шазилила тарикъатла имам Абуль-ХӀясан Гъали аш-Шазали, ряхӀимуллагъ. Ил 90 дус виубси сукъур ухъна сайри, някъбази байрахъ касили, «аль-Джигъад, аль-Джигъад!» или вивикӀухӀели. Мюридунали биалли илалал някъби дуциб ва ил-алав бахъал гӀялимти цалабикиб. Илдиургаб лебри чебяхӀти гӀялимти Пиззу ибн Гъядуссалам. Лебилра илди дьявила майдайчиб лебтири ва Францияла пачяхӀ Людовик УрчӀем-ибил ясируцибсири.

» 3

## Бусурман динлизир авал мазгъаб дигъни бархъси сабив?

**Ца динна духӀнар авал мазгъаб, – авал журала дин барни бирусив ибси суал бакӀни, динна душмантазибад саби. Бусурмантала къукъни детаахъес илдала динлизиб шакдеш акӀахъес къасли. Нушазиб жагълу (секӀал хӀебални) имцӀабиубли, ил чедибикили сабину, динна шайзиб аргъни агарти гӀилму агарти адамтасра ил бархъси бургар или гъанбиркули саби.**

Авалра имамла караматунала илди авалра имам бархъси, хӀекъси гъунчиб бигӀнила хӀекълизиб ишаб бурили таманбарес хӀейрар. Аллагъла Ӏ калам Къуръанлизибадра, Идбагла Ӏ хӀядислизибадра касибси ахӀенси илди авалра Имамла цалра хӀукму агара. ХӀятта Идбаглизи Ӏ хъарбаили ахӀенси, илдани цалра масъала хӀукму хӀебариб или саби. Масала, Иманла урегалра ва Исламла

шелра рукнула чебкад илдала цалацаличи сегъуналра хилаф агара, биррахӀебирар. Хилаф леб чӀянкӀли фуругӀуназиб – икӀ Иман, Исламла рукнурти дархъаес, илди камил дарес чебиркути къяйдабала чебкад. Илди авалра имамра, авалра декӀар-декӀарти мазгъаб дигънира, умматлис халаси рахӀмат саби. Сен или али: Масала, ца ханли багъахъалли, сунела ванзаличир хӀушаб хъулри дарая или. Илди хъулри дарес асубируси куц ва мерра баянбариб. Масала, илини иб музала чедир, яра пукъбикибси мерличир мадиридая или. Пурра багъахъур, бухӀна башес унза биес гӀягӀнили бигӀни, шала бикӀахъес улкъайра гӀягӀнили бигӀни. Ханла амруличид балбикили бехӀбихъиб хъулри дарес. Ханла амруличид балбикили муза, яра пукъ хӀебикибси мерличир даралли, унза-улкъайра кадатурли, ихтияр бедибсаличид имцӀаси ванзала кесекра хӀебуцалли, ил адам хали-ру хъулри дарисилизи.

» 6

Редакторла колонка

**Уркелци барни чебла саби**

Абу Пурайратли бурни хиясибли, Идбагли ишкьяйда бурули сай, Бану Исраилтала замана ца адам сапарличи дураухъи сай. Буцларси бархи авлахъкад вашухели дебели милиг иубли сай. Бареси хлебалули, кьяйцикдули ца мерличиб кьюю баргили, ила кацили ши ужиб ва милиги ахъили сай. Кьююлизивад дураухъунхели ца хя кьаршибикили саби. Сай кьяйда милигдешли гьажизбарили гянжили бугули буили саби илра. Илаб камси биалра шинкладеш баргес хульбикдули. Аллагъ багъандан хя ши балхасрагу или, ил кацили кьююлизи сунела дабрилизи шин кертили, хя бужахъили сай. Илхели Аллагъли иличи рахмура уркелцира барили, илала бунагуначивад чевкерхурли сай. Хяличи уркелци барни багъандан. Пуррара Идбагла хядислизиб леб, мягна: «**хлушани ванзала агъуличи уркелци барая, закитани хлушачира биру или**». Идбагли бурили сай, Алжана хлушала цаличи гьамли саби сунела даврила гьимиличиб дебели, ца вегли камси гьамал баралра Аллагъ багъандан, ил секлал сабабибули веглис Алжана бикес асубирар. Идбагли ил хиядис бурибхели мякыла кабибти Асхябгани хьарбаили саби, Я Расулаллагъ, нушани мицираг бахахелли, иличи уркелци барахелли нушаб кири лебсив или? Идбаг викули сай, гьар мицирагличи уркелци барисили кири лебси саби или. Пуррара цархилра леб бурули, бану Исраилтазира кьяйцирикдуси зинаба риркьуси ца хьунул адам руили сари. Ца бархи архяличи рякьунхели авлахъличиб ца хя баргили сари. Кьююла алавбапули милигли буили саби ил. Хьунул адамли хя ши бахи сари. Аллагъ илала лерилра бунагуначивад чевкерхурли сай, уркелци барни багъандан. Херая, нуша цацахелли мицирагличи, ил нушачи леххлебизни багъандан, вьвдхъахелли яра илис се биалра игъахелли, уркелци агни саби. Пикридухъеная, Аллагъли нушаб гьякьура гили сай, жагаси куцра гили сай, илхелира Аллагъли хьарбарисеи секлалра нушани хлебарохелли, Аллагъла сецад дебели гьими духъес гьягнители? Нушагуна мицирси жан сабгу Аллагъли аклахъубси. Илис гьякьу хлебедили биалра Аллагъли. Нушани мицираг итулра, нушаб Аллагъли гьякьура гили, нушачи Идбагра вархъили сай, гьялимтани дурули сари нушаб дарестира гьарбархи. Аллагъла нушачи уркелци баахъес багъандан, нушала алавчарти гьар секайчи нушанира уркелцибирес гьягниси саби. Мицирагличи уркелци барибхели илцад кири биалли, адамгачи уркелци баралли сецад кири биэс гьягнители? Субханаллагъ цацабехл адамтани бусурман адамгачи куфрура гьаббаахъили, ширкра гьаббаахъили, илдала масра хялал барили, илкьяйда адамти гьар мерличиб кабурпули, илцад урехи бедалли адамтас, уркелци агарвиалли сецад халаси балагъ баклес гьягниси адамгачи? Цацахели гилму хеделчунти, дин хлебалути биштлати дурхнани хьарбиули саби, сен илди адамти илцад уркелци агарти или. Херая, илкьяйда уркелци агарси виэс пайда бируси ахлен. Мицирагличи уркелци барибхели илцадра кири биулли биалли, адамлис вайдеш баралли, уркелци бархлебаралли сецад халаси бунагъ биэс гьягниси адамлис? Аллагъ Кьуръайзив викули сай, чини бусурман адамличи уркелци барили, се биалра бедалли, илис Нуни верхидешнали имца барили лутасра или.

Аллагъли нушаб ахъри габ сунени бара ибил барили бати ибил батес. Амин!!!  
**Ислам Гамзатов**  
 islam\_gamzatov@mail.ru

# Дагъистайзиб Мухляммад Идбагла гьямруличила гьяхитигъунти багъудлумала чебкаг конкурс бетерхур



Мартла 19-личиб Дагъистан Республикализибси Сагаси Чиркейлизиб школьникунала-ургаб Мухляммад Идбагла гьямруличила гьяхитигъунти багъудлумала чебкаг конкурс бетерхур. Конкурсла программализи хябал даража (этап) кадурхурли:  
 1.Кьуръан бучини.  
 2.Мухляммад Идбагла гьямруличила суалтас жавабти.  
 3.Кроссворд аржни.  
 4.Къалабаты абзани (блиц).  
 Конкурсла бутлакьянчибала багъудлуми журили кьиматладариб. Журилизи каберхуртиургаб лебри ДУМД-лизивадси

Мухляммад-хяжи Кьурбандиби-ров, Къизилюртла районна Администрацияла бекI Багъаудин Аджаматов ва цархилти.  
 Гьарил даража ахъибхели, перерывла замана, нашидуни дучан ристгаси Дина Гьялиевани мавлидуни делчун.  
 Школала бучантани Мухляммад Идбагла гьямруличила гьяхити багъудлуми чедахъиб. Цалабикитбазибад бахъалгъунти пергерсун тамашабахъуб. Конкурслизир лерилра 15 командали бутлакьяндеш дариб. Хябал даража (этап) тамандиубхели, финаллизии урегал гьяхитигъунти командаби дурадхъун. Конкурс-

ла финализив гьарил командали къалабаси аблизирра (блицлизир) бутлакьяндеш дариб. Финаллизии дурабухъунти цацабехлгаси суал хьархлебаили лебай, илдани жаваб чарбирулри. Авалра этапла баянти хиясибли, цаибил мерличи дурабухъун Зубутли-миатлила школала команда, кьибилличи – Комсомольскла ва хябъибил – Сагаси Чиркейла школала команда.  
 Конкурсличир гьаларти мерани сархитбас гурлизибра Ислам бяркъес багаладиэсти кьиматчерти савгъатунни дедиб, илкьяйдали илди арцла призуначилра шабагъатлабариб.

## Илдани чула хлиличил адамти уцахъули саби

Марлира, хли дедлугни – адамла беглара кьиматчерти, чихъти адамдешла ва адабдешла баркьудлумазибад ца саби. Адамли дедибти хили бахъла гьямру дерцахъес асубирар, ва ишхелла паргъатагарси манзиллизир дунъяла чиди-дигара мерличир мусибатла анцбукуни кадиркухели, илдачи хяжатдеш хасли имцабикдули саби.  
 Нушала республикала адамтани адабдешла ил баркьудилизир жигарла бутлакьяндеш дирули, хли лугантили (донор) бегарули саби. Ишбархилис Дагъистан Республикализиб 42 азир донор леб.  
 Республикала Хи Каргуси Центри гьар бархи бахъал адамти къабулбирули саби, ва, ил Центрла

бекI тухтур Аминат Кабардиевани бурни хиясибли, донорти къабулбарес ишар лерилра шуртIри аклахъубли сари.  
 «Хи лугантала мурад ца саби - гьягнисилис кумек гьаббаахъни. Хи кайсни ва илди дихлини – жавабласи ва кьяянси, цазаманализиб кьиматчебси ва чарагарси баркьуди саби», - рикдули сари бекI тухтур.  
 Хи лугниличибли донортани дунъяличиб беглара дурхъаси – цархилти адамтала гьямру ва арадеш – уцахъули сари. Ил багъандан, илдачи Чевяхсила шабагъат херли саби. **Аллагъли Сунела лагълис кумекбиру, лагъли сунела узилис кумекбирули левалцадхи.**

## Гьалабван Рутулла районнизиб мажлис бетерхур



Илизир бутлакьяндеш дариб ДУМД-ла вакилтани, кунгла гьялимтани, имамтани, исламла вузанала выпускникунани, нашидуни ва мавлидуни дучантани.  
 Дагъиста юглизир илдигъунти далдуцуни дебели камли дурадуркдули бирар. Мажлисли рай-

онна бахъал адамти цалябахъиб. Чус хялалдидь, мерла жагьитгала сипта хиясибли сабри ил дураберкибси.  
 Опыт агниличи херхлеили, балбуц гьунчибиркахъутани мажлис ахъси даражаличиб дураберкиб. Бурес гьягнители саби, Рутулла районна администрацияли илдас

кумекбариб. Мерла ихтиюрти далтахъути органтани балбуц низамзегъаличилра гьаббуциб.  
 Аргъ-бархила шуртIри вайти дигъниличи херхлеили, мажлисличи бахъал адамти бакIиб. Бурес гьягнибиркур, совет хлукуматли гьуни чебахъути дахъал дусмадли илгъуна имканнизивад мяхрумти адамти исламла черкадти багъудлуми касес гьаргъли саби.  
 Цалабикитбачи халаси асарбариб гьялимтани дурибти гьайли ва делчунти мавлидунани. Вирхес вирар, мажлислизибад рутуллантани халаси манпагъатдеш касиб.  
 Багъудлуми кайсниличил кьяйли, илдигъунти гьунибаънибани бусмягъят Дагъиста жамигъятлис хаслира гьягнитти адамти-ургар гьалмагъдеш уржахъу.

<p><b>Учредитель</b>                  Благотворительный фонд «Путь».                  Газета печатается по согласованию и одобрению Духовного управления мусульман Дагестана</p> <p><b>Редакционный совет</b>                  Председатель редакционного совета муфтий РД                  Ахмад-хаджи АБДУЛАЕВ                  заместитель муфтия РД                  Мухаммад ДАВУДОВ</p>	<p><b>Главный редактор</b>                  Айна (Патимат) ГАМЗАТОВА</p> <p><b>Редактор</b>                  Ислам ГАМЗАТОВ</p> <p><b>Канонический редактор</b>                  Мухаммад ДАВУДОВ</p> <p><b>Дизайн, вёрстка</b>                  Лейла ГУСЕЙНОВА</p> <p><b>Набор</b>                  Гульнара АБДУЛАЕВА</p>	<p><b>Менеджер</b>                  Абдусабир АХМЕДОВ</p> <p>Газета зарегистрирована Федеральной службой по надзору в сфере связи, информационных технологий и массовых коммуникаций.</p> <p>Свидетельство о регистрации ПИ № ФС 77-42079 от 24 сентября 2010 г.</p>	<p>При перепечатке ссылка обязательна.</p> <p>Набрано и сверстано на компьютерной базе газеты «Ас-Салам».                  Отпечатано в ООО «Дом печати» по адресу: пр-т Акушинского, 20.</p> <p>Заказ № _____</p> <p>Сдано в печать 13 апреля 2011 г. в 21:00</p> <p><b>Тираж 3.600 экз.</b></p>	<p><b>Адрес редакции</b>                  367015, РД, г. Махачкала, ул. Азиза Алиева, 2.</p> <p>По вопросам подписки и доставки обращаться по телефонам: по Республике Дагестан — 8-988-699-28-24 по г. Махачкале — (8722) 914-222.</p> <p>E-mail: assalamweb@gmail.com; www.assalam.ru</p>
---	--	--	---	---

# Идбагла наследивадси Шайх-Тасаввуфличила

1 « Чи сайри дугила цябдешлиуб лугилашал бахъал бусурманти татартала-монголтала ясирлизибад азадбатурти гяскуртала байрахъчи? Ил сайри Парикъатла имам ГияхИмад уль-Бадави.



Чихъали сабри колонизатортаци марокколанала кършидешлис бекИдеш дарибти? Илди суфийти сабри. Чили сабри Италияла колонизатортаци кършиси ливиялантала халаси джигъадлис бекИдеш дириси? Ил сайри Пумарул Мухтар, ас-Санусийла Парикъатла гъуни буцибтазивад ца. Чили сабри Сириялизиб ва Иорданиялизиб къанч бихутачи ва колонизатортаци кършили дявила байрахъ ахъбуцибси? Илди сабри Накъшубандила ва Шазилила Парикъатунала шейхани. Чихъали сабри Индонезия ва алавчerti мер-муса колониябачи шурдалтничичи кършидеш дагъахъурти? Илди сабри аль-Палавийла Парикъатунала шейхани.

Илдала чевкад пикриикъусили хIакъдеш бала. Гъижрула цаибил даршдусличибад бехIбихъили, нушала дурхIначи бикайчи джихадла байрахъ гъачамалра чилилра ахъбуцибси ахIенри, суфийтали ахIи.

## Суфийти Исламличичи жибикIнила гъуйчиб

Исламлизи адамти жибирниличила гъайдикIахIелли, ишхIелла замана Исламла дунъялизирти умцIатигъунти мер-муса джигъадла куме кличиличил сахибти ахIенну, малхIямси жила ва жагаси девла кумекличирли сархибти сари. Чили сабри, гъатIи илди ванзурбачи Ислам тIинтIбарибси?

Илди суфийти сабри. Южная ва югла-востокла Азиялизиб Ислам тIинтIбарибти суфийти сабри. Восточная Африкаличила дикIахIелли, илди аль-Аравийла Парикъатла шейхани сабри. Африкала центрлизиб ва западлизиб тIинтIбарибти ат-Тижани ва цархIилти Парикъатунала шейхани сабри. Францияла колонияла мер-мусала бургазивад сали бекIунсири:

«Нушачи бусурманти лекхIирхъахъес ва чула дин бархъбатахъес диргалабулхъуси бегIлара халаси гъалабиз саби кIел адам. Илдазивад ца – ил сай МухIяммад Идбагла  тухумлизибтаци, ил чеибхIели, адамтала уркIбазир Идбагличи  мукIурдеш илала тухумтаци диги чериргъурли... ва нушани базла духIнаб барибси къиян илини ца дугили заябирулри! ЦархIил, сунес суфий или ирусси, адам шел, урегал, верхIел базла духIнар дузули, танбихIлабирнила дахъал тяхIурти ва берк-бержла ва савгъатунала халаси къадар харжбарили, бусурмантазивад нушани нушачи мукIурдеш сархибси ва чула диннизибад илди гIелумбизахъурси районнизи ваши. Сай-алав адамти чукурбикахъили, илини «Ла илагъа илла лагъ, ла илагъа илла лагъ, ла илагъа илла лагъ» ибти дугъби тикрардири ва иличибли илдала бирхауди ва хIяя чериргъахи, нушала чумал базла къиян нехIакъласили бетарахъи!». Илди Исламлизи адамти жибирнила гъуйчирти далилти сари.

## Суфийти экономикала хIекълизиб

Экономикаличила гъайдикIахIелли, Исламла экономика бара дакIубиубси



замана ил гъалабяхI арбукес гъуни кабибхIибти, вачарла бархбасуни кади-захъурти ва рынокуни гъунчидикахъибти бегIлара машгъурти адамти – илди суфийтала имамти сабри. МухIяммадла урши, Таиф шагъарла халавегIил Жунайид вачарла дахъал меранала хужам ил ва багъдадлан машгъурси вачрукъя вирусире. Имам Абу Ханифа сунела замана бегIлара машгъурти вачрукъя-базивад цали вирусире. Илди кIелра суфизмала гъуникад башутири. Тасаввуфла чебяхIти имамти цацабехIти вачар-чакарлихиб бузутири, цархIилти ванза бузахъантири, хIябэстани цархIил хIянчи бирусире. Илдани чули ГИбрат чебиахъули, алавчарти адамти экономика алкIахънилизичи жибирутире.

Хердизирая: джигъадла, экономикала, Исламлизи адамти жибирнила, ва гIилмула гъундурачиб сунес кьимат абаахъес хIейэси хIянчи барибти баягъи суфийти саби!

## Нушала цахIнабик гъалабяхI арбукнилизир чинара хIушала къел-хIерзи?


Суфийтаци кършили кабибурти адамтази дила суал леб: «Нушала цахIнабик гъалабяхI арбукнилизир хIушани датурти къел чинара?». Суфийтала ва суфийтигIелбтала манзил Ислам вавали бирхъуси манзил сабри. Нушала, суфизм балIути ва суфийтас бургъути адамти дакIубиубси манзил биалли, Исламла байрахъ шагъуртазив кабикес гъалаб, адамтала уркIбазир кабикисби манзил саби!

## ЧинкIир суфийтачила

ЦагъатIи челукуси леб. Къуллукъ чус саби суфийтири или бикIутани ШаригIятличи далхIейкибти баркъудлуми дирниличиб саби. Чули саби суфийтази буйIути адамти мурталра бирутири. ИшхIелла замана илди гъатIира бахъбаили саби. Амма илди

чинкIир суфийти саби. Гъарли-марси суфизм илдигъунти адамтазибад умуси саби. Жунайид бин МухIяммадла ил шайчир къийдурти кадизахъур. Илини иб: «заклизив аркурси яра шина чедивад вашуси, ШаригIятла умцантацир илала баркъудлуми умцайчи иличи дирхмарудая. Эгер ил Аллагъли  мукIурси ва илала къадагълуми тамандирусси виалли, ил Аллагъли  сунечи гъамбарибтазивад сай, ил авлия (Аллагъличи гъам виубси адам) сай, ва ил илала Аллагъли  бедибси караматдеш саби. Эгер ил Аллагъла  тIалабуни ва къадагълуми таманхIедирусси виалли, илала караматличи дирхмарудая, сенакIенну ил шилтахъчи сай». Ил саби гъарли-марти суфийти белгибируси къийда.

Тасаввуф, Гильм аль-Хиядисгъуна, Гильм аль-Фикъгъигъуна, Гильм ат-Тафсиргъуна ва Гильм ат-Тавхидгъуна, шаригIятла гIилму саби. Амма леб адамти, саби «Тасаввуфла адамти» сабливан гъалабирхъути. ХъардиэхIе: Хиядисла гIилмулизиб агарлив, гъатIи, чус саби Хиядисуни руркъянтира» или бикIути ва Идбагличи къумби чедуршуту адамти? Нуша къалли «Идбагличи къумби чедуршуту адамти дакIубиубли сабину, даши-рая Хиядисуни руркънила гIилму бархъбалтехIе, жалтазирад ва ташмишдешлизирад урдухъес багъандан» дикIули ахIенра. Ил барни бархъси-ли биэс бирару, гъатIи? Факъигъуна-ла ургаб шилтахъчиби агарав, гъатIи? Къянала фетваби дурайгъути ва дин арцлис бирцуту адамти агарав, гъатIи? «Фикъгъунала ургаб шилтахъчиби дакIубиубли сабину, даширая жалти ва разиагардешуни хIедиахъес багъандан, Фикъгъу бархъбалтехIе», - дикIес асубируру? Къуръан баянбирути-ургаб къумба бугъути камлив гъатIи? Амма нуша «Диур! Жалти ва ташмишгъала хIедиахъес багъандан Тафсирла гIилму бархъбалтехIе!» дикIули ахIенра. Ил къалли чилилра къабулхIебиру! Ат-Тавхидла гIилмулизиб, Аллагъ-

личи вирхнила дазурби дугъути  адамти агарлив, гъатIи? Чули саби чебяхIли чебиутала къумбачи лекIахъили, ТавхИидла гIилмуличирад нуша гIелумдилзутирав? Духули пикриикъуси цалра адамти ил секIал хлебиру.

## Се бетарара, нуша Тасаввуфла гIилмулизирад гIелумдизахIелли?

Нушала динла хъулчили сабси, уркIи умубирусси, уркIила гъаргдешла даража сархибси Тасаввуфла гIилмулизирад нуша гIелумдизахIелли, нуша нушала динла бегIлара мягIничебси хъулчиличирад гIелумдилзулра. Аллагъ  сунечи хIерикIуси мерли сабси уркIи умубирнилизирад, шилтахъчибала ва чули саби чебяхIтази халбирутала къумбачирли, гIелумдилзахIелли, нуша нушала диннизирадра гIелумдилзулра. ИлхIели нушаб чузи шилтахъчиби гъудурбиубти цархIилти гIилмуртазирадра гIелумдизес чебиркур. ИлхIели нушани се бирусси? ГIилму сен-сен акIубсил илала бехIбихъудличи дугъадизес гIягIнили саби. Суфизм бузахъес дигалли, Тасаввуф чизибад сайсулрил пикри бяхIчааая, шилтахъчибазичи хIейкес багъандан. ХIуни чеввикIибси гъарли-марси шейх саю, гъатIи? ШаригIятла масъултачила илала багъудлуми леру? ШаригIятла илди багъудлуми илини къяббердни агарли касибти? ЧевяхIсилис  мукIурдешла ва Илала къадагъабала къийдурти дузахъути адамтачил къяббердни агарси бархбас лебсив. Илала багъуди ШаригIятла лерилра къадуртаци ва къадагъабачи лайикъливи? Сунела баркъудлумазир, аги-къийдализир ва баркъ-бацлизир илини Суннала тIалабуни дузахъуливи? Баркъудлумазир ва заманаласиличиб Даимси гъалаб чебибнилизив ил хIялалливи? илала тIабигIят Идбагла  тIабигIятличи мешуси?

Сунес насихIятчи варгес умцIуси адамти пайдаладирути тIалабуни илдигъунти сари. Исламла душмантани сегъунти дигара тяхIурти пайдаладирули сари, нушала жагъил адамтала уркIбазир гъалаб-ла гIябидуначи(салафу салихIин) саби суфийти биаб яра цархIилти, гъимидухъахъес, гIурла наслубазир нушала лерилра гIилму инкардарес багъандан, сенкIун илди сабибгъунти дирхала агарти адамтазирад касибти сари. Нушани Аллагълизи  тиладибирулра Сунес дигутачил(авлия) душмандешлизирад ва гъими-къяслизирад, гъалаб-ла гIябидуначи(салаф ас-салихIин) уркъбяхъуназирад нуша дерцахъес. Къуръаннизи белкIи саби: «Наб дигутачил ургъусиличил душмандеш дирусилис нуни дяв балахъулра». Илини наб ва хIушаб кумебараб нушази сунес дигуси барахъес! Я Аллагъ , нушази хIекъдеш чебаахъа – хIекъдешличил кумекбара бархъси гъуни чебикIахъес, илкъийдали, нушази шилтахъра багъахъа, сунесибли нуша иличирад гIелумдизахъес. Я Аллагъ , нуша бунагъагардешлисил в хIялалдешличил шабагъатладараба. Я Аллагъ , балкIли гъуни буцибтани ХIед хасдирути бунагъуназивад ХIу умулири. ХIуни нушаб багъахъес гисила дураб нушани балуси агара. Мар-марли, ХIуни лерил секIал далулри, ва лерилра секIал къел-гердикулри.

# Аллагълизибаг урехи

Мухлямад Даудов

Муфтийла заместитель

Эй иман бухибти адамти, хуша Аллагълизирад урухдикленая, Аллагъ   вагъурти, гялхти адамтачил дарх дирая, сенахленну илди адамтала баракат вегличира чебетуиси саби. Тавба дируси адамли сунела балгализиб тиладибурули сай, сай вайти адамтазивад верцахъес. Сен? Сенкун вайти адамтачи варх виадлли, вайси гялмал хлебирули виадра, илдала баракат агардеш сеннира хлечи къячбилкан. Ил багъандан нушани къайгъибарес гялгниси саби гялхти адамтачил дарх диэс. Идбаг   виклули сай : «Мардешли, бархъдешли адам гялхси секлайчи витликлу, гялхси секлай биалли, адам Алжанализи витликлуси сай. Эгер адамли къяна буралли, ил къянали сай вайти гялмултаци витликлуси сай, вайти гялмулти дирес вехлихъалли, илди вайти гялмултани ил жагъаннаблизи витликлу». Къяна – бурес асухлебируси, хярамси секлал саби . Аллагълизибад   дигянси селра лебси ахлен. Нушала хъуцдрумачи кабибти малайкуна гъар секлайчи бикъридеш дирути сари. Илдани нушала гялхти баркъудмура луклуги сари вайтира, хлебелки биштласилра секлал хлебалта. Къиямала бархли лерил нушала баркъудмура делкунти кунги луга нушази.

Аллагъ   Къуръайзив виклули сай (мягна) : «Аллагъ   хушачил варх сай, хуша чинар диадалра». Нушани се барахеллира балуси сай Аллагъли   , Илизиад дигянси селра лебси ахлен. Аллагъ   цархил аятлизив виклули сай (мягна): «Марлирагу, Аллагълизибад   сегъуналра секлал дигянхлебиркур, ванзаличиби биаб ил, заклизибси биаб». Чинабиалра вякъунхели, масала дурала улкализи яра цархил шагъарлизи, Аллагъли   сай чехлейусира или дехлибалара дархъатурли, держлира ужули, вайталира виркъуси адам хатлавирули сай, сенкун сай чина укялра Аллагъли   чейуси сай, ва сунени дирутачила балуси сай. Аллагъли   адамлис иш дунъяличив сунес дигута виркъахъес ихтияр бедибси саби. Илкъайда Аллагъли   адамлис пикрикавхъахъес заманара бедибси саби.

Гурра Аллагъ   Къуръайзив виклули сай (мягна) : «Аллагъли   урхла хъунрачи хердирути дигянти хераначила бала, хуни дурути дала, урклурбазир дигяндирутира дала».



Хатлабла урши Гумарли   бурули сай: «Гъачам нуша Идбагла   мякъла кадили лерри. Илхели цуба палтарчевси ца адам ваклиб ва Идбагла   мякъла кайиб. Ил адам нушани гъачамалра чеибси ахленри, ил бамсри ихъуси гъункъячира мешули ахленри. Илини сунела къукъуби Идбагла   къукъубачи къячдикахъили, илала къяшмачи сунела някъбира кайхъили Идбагличи   дугъаизур: «Хуни набзи Ислам се сабил бура». Идбагли   или сай: «Ислам саби безла гъалаб шагъадат бухни: «Нуни бикъридеш дирулра, ца Аллагъ   ахленси, сунес лагъдеш дарес хлекъли виубси, гур чилра агара, гурра бикъридеш дирулра, марлирагу, Мухлямад Идба   Аллагъли   вархъибси бархъси динничилси Аллагъли   Расул виъни. Кизсилгъуна, дехлибала дарни саби, хлябъесилра, закат бедни саби, авъесилгъуна, дуббуцарла баз буци саби, шуъсилра, ахъри леб биалли, хляж барни саби».

Хердизирая динна узбира рузбира, ишбархли бахъал адамти леб, ну бусурман сайра биклуги, амма я дехлибала хедируги, я дуббуцари хедурцуги, закат хелугуги, имканти леркъира хляж хлебирути. Илгъуна адам мотор агарси машиналичи мешуси сай. Хушанира балуливан, мотор агарси машинализиад пайда хлебирар.

Гур ил адамли Идбаглизи   хъарбаили сай, иман

се саби или. Идбагли   бурили сай : «Хуни Аллагъли   иман бухни саби, Аллагъли   малайкуначира, Аллагъли   кунгачира, Аллагъли   расултачира, Къиямала бархлиличира вирхни саби, Аллагъли   къадарличира вирхъани, гялхти диаб, вайти диаб Аллагълизирад сари».

Нушала замана адамтани Аллагъли   къадарличи сабурбурули ахлен. Аллагъли   гибси гялхси секлайс шукрубарес балули ахлен.

Ил адамли гурра Идбаглизи   хъарбаили сай ихсан се сабил бурахъес. Идбагли   жаваб бедили сай : «Ихсан – хуни Аллагъли   лагъдеш дарни саби, хуни Ил чейули къайда, хуни Ил чехлейули виадлира, Аллагъли   ху чейусири».

Гур Идбаглизи   илини тиладибарили сай Къиямала бархлиличила бурахъес. Идбагли   ишгъуна жаваб бедили сай: «Сунези хъарбиусини хлебала, хъарбиусиличиб имцякъ. Хлечиб нунира балхлебалас Къиямала бархли мурт калзанал». Ил адамли гурра тиладибарили сай Къиямала бархлила гяламатуначила бурахъес. Идбагли   иб: «Цай къяшмарли, палтар агарли башути имцабирар, мискинти адамти хъулри лушнилизиб абзли кабилзан...». Нушани чебиуливан, ишбархли имцагитгъунти Къиямала бархлила гяламатуни чедиули лер.

Илдигъунти суалтира хъардаили сайра ил адам арякъун. Ил арякъунхели, Идбагли   Пумарлизи хъарбаиб: «Хуни валаду ит ваклибси чи сайрил?». Пумарли жаваб бедили сай: «Аллагълира   Аллагъли Расултира   гялхли бала» или. Идбагли   кабибтази багъахъур ит ваклибси Жабрагил малаик виъни, чузи динна анцбукбуни дагъахъес ваклибси.

Гъанна бусагъятла замана дин багъес дигусилис сегъуналра гъуру агара наб багъуди касес имкан хлебаклиб, ахъри хлебаклиб виклес. Динничила багъудлума касес дигусилис сегъунти-дигара имканти лер: исламла передачаби лер радиоллизир, телевидениелизир, газетаби, журналти дурадлухъули сари, гялимти леб, имамти леб, исламла белчудила заведениеби лер дузули. Алхямдуллилагъ! Аллагъли   шукрубарес гялгниси саби. Нушани биалли, къайгъи, гъира даклубарес хляжатли саби дархъти багъудлума дегъдиэс багъандан.

Аллагъли   нушаб лебилтан икъалабараб пайдалачебси, гялхси секлайс геларад дукъяхъес, вайси ибси бархъбатахъес. Амин!!!

## Идбагунала Мугъур-Мухлямадгис (тулки - мавлид)

Хиясайниев Гябдуллагъ

Гъар бируси, балтуси  
Аллагъли саби амру,  
Аллагъли хъурадараб  
Иш дунъяличи гялму.

Аклубтазив черикла,  
Аллагъли чевкибси,  
Лерил дагърила хазна-  
Мухлямадрасулуллагъ.

Дудешла дяхл хлегъурси  
Нешла ниъ хедерхъибси,  
Дагърили вахъ верхъибси  
Мухлямад Хябибуллагъ

Гяламлис баракатлис  
Аллагъли аклахъубси,  
Аклуб сягъят глабигъят  
Сунес салам биклуси.

Идбаг клубси Макка,  
Паргъатвиуб Мадина,  
Муъминтала дурхъати  
Сар,зиярат бирути.

Бац - Берхлила нурличил  
Сунела нур цадиуб,  
Жабрагил малайка  
Херлиув сай хервиуб.

Гяламлис гялхдеш барес  
Гямура мурадла вегл,

Чеалкуси наслулис  
Зурбаси асарла вегл.

Хирагъла иникълизиб  
Къудратла вегли Къуръан,  
Хъураббариб сунечи  
Баахъес гяламличи.

Ил жуз саби дурхъаси  
Дуъяличиб кавлуси,  
Шалати ва дуруссти  
Мургъи дугъба белкунси.

Иникъ биуб Идбаглис  
Дяркъ бедибси мижитли,  
Урунж мурхъ пикрумала,  
Гялгниси бахъудила.

Левси ахлен аклубси  
Хябибван дагъричевси,  
Гяршличи ахъварили  
Аллагъли гъамварибси.

Алжанра жагъанабра  
Чедаи чарвиубси,  
Дунъяла, ахиратла  
Къадри – къимат дагъурси.

Чебаиб Алжанала  
Унхъразиб къунзбиклуги,  
Зикру,закат дирули  
Чули дунъя батурти.  
Иман, Ислам хелули

Чули гялму дерклибти,  
Чебаиб чичлумани  
Саби чямкабирути.

Абу - Бакар.Гумарра,  
Пусман, Пяли - асхябти,  
Сунна амру бихути  
Бетаур халифуну.

Илди сабри дурхъати  
Зубаргала цахнабик,  
Илдас беклдеши дируси  
Расул сайри пасихлиси.

Асилдешра намусра,  
Дурути малхям гъайра,  
Дирутири мурталра  
Мухлямад Мустафани

Гялмалти хледалуси  
Ил гилмула гялимри,  
Гъар муъминнис гялхбарес  
Мурталра хядурсири.

Капуртачил дергълизиб  
Чедибдеш бири сунна,  
Хялал - залал ахленси  
Гъамхлебири сеналра.

Къияйзив вирухели  
Вири ил мугъжизатчи,  
Жабрагил малайка  
Вири сунес кумекчи.

Мухлямадрасулуллагъ  
Идбагунала мугъур,  
Пергъиси Идбаг виъни  
Инсаниятли багъур.

Урегъану хябра дус  
Идбагли дерклиб гялму,  
Аллагълизи улгули,  
Адамтас гялхбулгули.

Аллагъ, Аллагъ виклули  
Ваклиб ил дунъяличи,  
Кавлуси сай даимлис  
Муъминтала урклбазив.

Рахманни аклахъубти  
Саби нешра дудешра,  
Дила рухлизиб илди  
Илдачил сай Идбага.

Аллагъ вигуси урки  
Саби Хябиб вигуси,  
Келра илди вигуси  
Сай Алжайзи аркъуси.

Аллагъ, Аллагъ, я Аллагъ,  
Шафагъят Расулуллагъ,  
Ибрагъимла миллатла,  
Мухлямадла умматла,  
Алжанала агълула  
Вараба ну Гябдуллагъ.



# Бусурман динлизир авал мазгъаб дуъни бархъси сабив?

1 « ИкI гъанбушибси къяйда-личир ханли хъулри дарахъес ихтияр бедибси гъайла чебкад халкъла ургаб хилаф бехлбихъиб. Гъанна халкъла ургабад дурабухъун авал инженер, лебилра инженерти чус муклурти. Ханла лебилра *рагъиятли* саби къабулра бирути. Гъанна илди бехлбихъиб хъулри дарес ихтияр бедибси, яра амру барибси ханла гъайлизибад тинтIси пайда каснила чебкад, ханли кабихъибси дазуличибад шалгIебра хлебухъи. Ханли или сай, унза-улкъай даршая ва хъалч барая или. Масала, гъатIи селра или ахIен. Гъанна авалра инженерла бакIиб суал, сен-сен ва сегъунти диршехIев или? Сунела *имтигъад* хIясибли цали иб, улкъай халаси биршехIе шала имцIали биахъес или, цархIилли иб, шала имцIали бакIиниличил барх дуцIрум буцIардеш ва яни бугIардеш лъкъян имцIали, улкъай биштIаси гIяхIси саби или. Иличи мешули унзалара бакIиб суал. Халадеш биштIадешличи авалра разибкиб. Диршуси шалила чебкадра иб, къиблаличи дяхIли диэс гIягIнибиркур улкъай-унза или. ЦархIилли имцIабариб, ил или бизэ чебиркур, амма или даршес тахIяр хлебиалли, тахIяр балбикибси шайчи даршесра асубирар или. ЛацIа чебкадра бакIиб суал. Цали къаркъала или, итилли кирпичла или, цархIилли саманла или иб. ЦархIилли или вицIадли луцIри саманла музурби къаркъала диэс гIягIнибиркур или иб. ИкIди дурибтала лацI барес ахъри хлебакIалли, уркълала яра чIигIяла пайда бирар или иб. Ил тахIярли хъалчра, цали иб гIянжи акъурли бирехIе или, цархIилли иб шифертала баралли гIяхIси саби или, цархIилли или вицIадли черевица чеббакIиб, гъатIира цархIилли шартI бариб, села биаллира духIна заб хIедашуси биъни. Пурра суал бакIиб, хъулри дарес ахъси мер яра пукъбикибси мер ахIи хлебиалли се бирехIев? – или. ЦабехIли иб, ахъси мер гъарбарили, ва гIяшси мер бицIахъили диру, цархIилти или вицIадли илдачи къабул хлебикиб. Ихкъяйда хилаф бетаур илдала хъулразир дирути хIянчурбала чебкад. Гъарилли буриб сунела гIякълу хIясибли. Гъанна ахIерти динна узби, хIушани чеахъая лев виалли, илди авалра инженерла вархъси ахIенсичиди саял? ХIера, хIушаб авалра Имамла мисала. ХIушани халбарая ишди авалра инженерла халкълис лебси пайда. «ХIушани хъулри дарая» – ибси ханла гъайлизибад сецад пайда касилил илдани. Халкълисе сецад гъамаддеш бетаурлил? Масала, ханли хъулри дарая ибси гъайла мягIна къантIбиубси биаллири чIянкIли къаркъала дарес чебиркур ибсиллечи, къаркъа агарси мерлабтани се барес бирив? Гъанна бетаургу илди авалра инженер халкълис уркIецили. Гъарилла сунела ахъри хIясибли, хIянчи хал барили халкълис ихтияр бикиб авалра инженерла цалис гIергъи арбукъяс. ХIеръа их авалра Имамлара, илдас гIергъи арбъкъунти адмталара мисала. ХIушани багъияра, авалра инженерла лерилра хIянчи, ханли ихтияр бедибси, асубарибси куцIичир диъни, ва ханли кадихъибти дазурбачибад саби шелгIебхIебулхънира. Гъанна икIди инженертачи гIяйиб барес, илди убяхIбарес цабехI адмти дакIубухъалли хIушани се иридая? Ишичи мешуси саби вагъабистунала баркъуди, Имамтас гIелабад



архIябкъни. Идбагли или сай ﷺ: «Гумар набчи варх сай, ну Гумарличил варх сайра. ХIекъси секIалра Гумар левси шайчиб саби, ил чинав виаллира» – или. Иш Гумар асхIяб ﷺ асухIейрути адмтас Имамти асухIебирнира, декIарли тамаша бизеси секIалра ахIен. Идбагли ﷺ или сай: «Куръанла цалра аят хъурахIебиуб, сунела бухIналара, чедилара азарси, – загъирра батIинра азарси». Сунела гIякълуличивли Куръанла мягIна баралли ил капур кайрар или саби цабехIтани. Аллагъла ﷻ гъар калимализир калимаби лер, сари делкъес валлизали, урхъни кадурхути, сари делкъи таманхIейэсти, (илцада дахъал мягIнаби лер гъар ибси калимализир ибси мурад саби). Ишди Имамтала черкад дахъал мисалти кили, дахъал хабурти дурес вири, сеннира гъанбушибси мисалира абаала биру гIякълу лебси адмтас. Вари бусурманти, хIушани мяхIкамдеш барая хIушала гIякълу хIясибли Куръанла мягIна барнилизибад или нуни буруси гъай ахIен, гIилмуни нушазибад тIалаб бируси секIал саби. Авалра Имам Аллагъли ﷻ МухIаммадла ﷺ умматлис уркIецили барили саби. Масала: нушала Имам ШафигIла мазгъаблизиб хъунул адмтичи някъ къячбикалли дазала дулъган сен-сен къячбикалра декIардеш агарли. ХIянафи мазгъаблизиб хъунул адмтичи някъ къячагIибхIели дазала дуънили шартIли барили саби, шагъватличил къячвикни, – багъхIебагъурли яра шагъватличи къас агарли къячвикнили дазала хIедулъган. Гъанна хIеръая нушаб лебси уркIециличи ва гъамаддешличи, иш гъаман бетаруси секIалра саби. Ца адм аркъули сай сапарли автобуслав яра поездлав. УркIилабра агарли някъ къячбикун хъунул адмтичи. Нушала мазгъаблизиб дазала дуун. Гъанна илини дазала дарес гIягIнили саби дехIибала дарес багъандан, дазала дарес шинра агара, шин лерси мерличи ветаайчи дехIиба заманара арбукъясли саби. Гъанна се бирув?

Гъанна илис ихтияр леб, ХIянафи мазгъаблис гIелавад аркъи дехIибала дарес, кIинайс илди дехIибала черахъесра гIягIнихIебиркур. Амма дазала


дарес шинра лерли, яра шин лерси мерличи ветаайчи дехIиба замана аркъули хлебиалли асухIебирар ХIянафи мазгъаблис гIергъи арукъи дехIибала дарес, нушани бихIяс гIягIнибиркур нушала мазгъаб. Ишичи мешули дахъал мерани дирар нушани цархIил мазгъаблизибад пайда касес асубирути. КахIесили гIямал хIебирути мерани авла дирар. Нушани Курбан лугъулра, амма нушала мазгъабличичи балбикили лугъуси рахIира хIейрар. Сен или вицIадли, нушала мазгъаблизиб

Курбайс лугъусила лихIила хIябал бутIала ца бутIа чеббикибси белгъес асухIебирар. КIелра лихIилизи хIерзи дирухIели илцадала къадаралра чебхIебикибси маза нушаб чум диркура? Ил багъандан, ШафигIи мазгъабла имцIали Курбан белгъни ХIянафи мазгъабличичи балбикили бирар. Курбанра лебилра адмтани хIелугъа, чумилра адм бирар чула ахъирира бикIути, Курбанра хIелугъути. ХIебелгъи или ил бунагълизи хIеркур. Нушала мазгъаблизиб Курбан белгъни суннатси сабинун. ХIянафи мазгъаблизиб вицIадли, Курбан белгъни фарз саби, – чебси саби. Илала мазгъаблара виэс асубирар Курбан хIелугъуси адм, фарз биъни хIебагъурли, яра багъаллира баги агардеш барили. Илгъуна анцIбукълизив ил адм бунагълизи хIеркур авалра мазгъабличичи чеббарибси секIал хIебарибхIеливан. СенахIенну, сунела ХIянафи мазгъаблизиб фарз биаллира, ил фарз ахIен суннатси саби или бикIуси мазгъабра лебни багъандан, амма ил иман зягIипти адмтазивадли бирар. Нушала Имам ШафигIли суннатси саби или алира, фаризаси саби или викусИ Имамра левни багъандан. Илала хилафлизивад дураухъес багъандан че кайзурли Курбан лугъуси ШафигIи мазгъабла адмра виэс асубирар. Ил гъатIира гIяхIси саби, ил бирар *акъвия-уназивадли*, – дин бихIинилизив бегIлара чебяхIси мер буцибтазивадли. Пикри бара, ишди Имамти лебнила нушаб лебси уркIеци. Пуррара, нушала мазгъаблизиб кIел къуллаличи ахIедикибти шиннизи кабикалли нажасси секIал, масала, хIе кIантIдухъалли илди шичир дазала дарес асухIебирар. Илди шинна ранг, гъатI, тIем дарсдиаллира –

дарсхIейаллира декIардешагарли. Амма Имам Маликли ранг, тIем, гъатI дехIсур хIедиубли диалли, илди шинна дазала дарес асубирахъу. КIел къуллала саби бухъяндеш, бягIудеш, ахъдешли-чиб 60 см лебси къадарла хIявз, масала. Гъанна халбарая хIушани, икI Имам ШафигIла мазгъабличичи балбикили шинна умудеш бихIили чум адм бажардибиркура? Эс асубирар, нушала мазгъабла бахъалгъунтала, дазала дирути шинна умудеш барни Имам Маликла мазгъабличичи балбикили бирар – или. ГъатIира хIушаб гъанмабикаб илцадара къиянси Имам ШафигIла мазгъаб сен-сен бихIяс вирусив или. Дунъяла яшав барнилизивра бирар беркеси бикалли цархIил секIа пикри агарси, дунъя бучаллира хIебиусира бирар. Ил тахIярли динлизибра бирар дин барили хIелукъути, умудеш бихIинилизив бумсхIебумсути агълу. Бажардила вегIли бихIу илгъуна умудешра мяхIкамдешра динлизиб. Бажарди хIеркусилс дебали хIяжатти сари мазгъабти, – хIяжатбикибси, чараагарси мерлаб пайдала барес. Ца адмти барибси секIал сунени багъра хIебагъурли бетааллира авалра мазгъабла цаличи балбикили, ил адм вархъси бирар, илини барибси гIямалра бархъси гъунчиб бетаурли бирар. Нуни хIебаласра, бусурман адмтис ишичиб халал разидеш се лебал. ГъатIира пикри духъеная, ишди авалра Имамла заманала гIялимтира, илдас гIергъи дакIубухъунти халати, дебали секIал балуги Имам Гъазали, Ибну ХIяжар ва ихди ахIенти цархIилти халати гIялимтира, сен ишди авалра имамла чидил биаллира – ца мазгъаб буцили буибгив? Ишданира сен гъарилли сунела сунес мазгъабти хIедарибгив? СенахIенну, авалра Имамти Куръан-хIядислизибад дурабитIунси гIилмура, илдала гъунарра, илдала чебяхIдешра чебаибхIели, ишди гIялимтани баргIили ахIен че имцIа барес калунси секIал. Ишди хIясудла халкъра ахIен, ишдани чеббакIиб гъарилли сунени жагали чебаибси мазгъаблизира каберхурли, ил деббарнилизиб, гъарза барнилизиб, ил халкълизи аргъахънилизиб хIянчи барни. ИкI аргъахъили или сай Ибну ХIяжарлира: «Нуша гIялимти ахIенра, гIялимти саби иди мужтагъидуни, нуша вицIадли сарра, илдала гIилму адмтачи биахъути адмти» – или. Авалра Имамра къабул барили, илдала мазгъабтира дихIили, илдала адаб – хIурматра барили, илдира дигули, илди лебниличира разили виъни саби адм бархъси гъунчив виъни-ла бегIлара халаси гIяламат. Мазгъаб хIебуцибти или вицIадли, илди мешули саби хIенкълизибад декIара бикибси мазаличи.

Каламулагъил-къадим  
цIакъси шушка саби,  
Такъвала агълуни инкар  
халкъ тIутIубируси.  
БахIрул-нубувватла  
мурхъдеш халаси саби,  
Гъаввасунала ахIенсичи,  
бухIнаб хIял балхIебиркуси.  
Авалра Имамла гIилму –  
жавгъар саби  
Жагълу имцIабииуб или  
къимат илала хIебулъган  
Агълу-тасаввуфличичи  
инкар виъни – загъру саб,  
Саммун – къатил иру  
илисра хIял чебаибтани.





### Дехибайни бунагъуни умудирутив?

Дехибай диштлати бунагъуни умудирути сари. Амма илдани халати бунагъуни сарира, адам кавшни, зина, сикру ва илдачи мешути бунагъуни умухедире. Идбагли бурули сай: «Шелра черти дехибай, шинни няс умудирути къяйда, бунагъуни умудире». Пурра Идбагли бурули сай: «Халати бунагъуни ахенси, дехиба ургар кадикибти диштлати бунагъуни, дехибай умудире». Сен биалра сунени дарибти бунагъуназирад адамли урки уркиларад тавбу дарес хяжатти сари.

### Дехибала дируси замана къакъ гъаргбиалли дехибала дулгъутив?

Дехиба шуртразибад ца саби гяврат клапли биъни. Мурул адамтала гяврат – къяда канилара къукъубалара ургабси мер саби. Ил багъандан къяда канила даражаличиб гяшли къакъ гъаргли биалли, дехибала детарути ахен. Амма дехибала дируси замана гяврат дягли гъаргбиахъубли биалли, амма ил итмадан клапбарили биалли, дехибала дулгъути ахен. Ванзаличи къукъумусикили сужда бируси замана къяда канила даражаличиб гяшли къакъ гъаргбиалли ва ил итмадан клапбарили биалли, дехибала дулгъути ахен. Хъунул адамтала биалли дяхра някъбира (хъат ва къакъ някъби) ахенти, лебилра къаркъала гявратлизи халбируси саби.

### Гъанна адамтазир дахъал мобильникуни лер. Цацабехитала мобильникуназир биалли балгни ра, Къуръайзирадти сурабира къаршидиркули сари. Илдигъунти мобильникуначил хяжатханали зи айцес асубирусив?

Дазала агарли Къуръанничи къячикес яра ил бихес асубируси ахен, хярам саби. Мобильниклизиб информация цифрабачил саби белкунси ва флеш-картализибра Къуръанна белк биес бируси ахен. Амма телефонна экранничир Аллагъла у яра Къуръаннизирадти аятуни делкли лерли диалли, илгъуна мобильникли чил хяжатханализи ацлес асубируси ахен. Телефон къапкабируси саби яра экранничибси белк цархилличил барсбируси саби.

### Хъунул адам беггачи лехихъес хяжатсив, сунела муруйчи лехихъес хяжатсив?

Шери рякъунси рурси сунела мура ибси бирес гягнисси саби, ил ибсиллизиб Аллагъла амруличи къаршиси секлал агалли биалли, сенахенну Аллагъла амрулис гяггят батурли Аллагъла лагълис гяггят бируси ахен. Беггачи хъунура багъес хяжатси саб, хъунуи ихти яр муруйчи сабни лебси. Дудешли рурси шери редлугъхели, илини рурсила хлекълизир хяжатти гъар секлал илала муруйчи шурдируси сай, муруйчиб чебси саби хъунуи палтар чегъахъес, беркала биахъес, хъали ва цархилти хяжатти секлал дихъес. Ил багъандан шаригятли хъунуи мура ибси бирахъес чебиахъули саби ва беггас иличи къабулбикахъес чебиахъули саби. Амма муруй се-биалра шаригятличи къаршиси хъарбирули виалли, хъунуи илала ибси хлебарес ихтияр лебси саби. Амма цацадехити секлумазиб, сарира шаригятличи къаршиси кахедилзугазиб, хъунуи беггачи ибсилличи лехлахъес дигули риалли, илис ихтияр беднилизиб муруй сегъуналра зарал лебси ахен. Беггачи адаб бирахъес нушази шаригятли чебиахъули сабину.

### Бекклибси хяйва бала яра гъез (масала, къя) нажаста дирутив?

Бекклибси мицирагла бала ва гъез нажастази халдирути сари, сенкун бяхлихъунира цурцбара ахенти лерилра мицираг дебклибхели нажаста детарути сари.

### Сегъуна садакъа беггачи гяѳсиллизи халбирусив?

Аллагъ багъандан, урки уркилабад сегъуна садакъа бараллира, Аллагъли илис кери биахъу, амма беггачи гяѳси садакъализи халбируси саби адам ит садакъаличи дебели хяжатвикибси замана бедибси, сенахенну хяжатхели бедибси ца къуруш, итис имцякъ гъалабси саби хяжатдеш камбиубхели бедибси 100 къурушличиб. Ил заманализив илкяйда хяжатси адам агара виалли, гялимтани бурули саби, исламлис кумеклис бедибси, ислам тинтибарес кумеклис бедибси садакъа беггачи гяѳсиллизи халбируси саби.

### Закат гъамти адамтас бедес асубирару?

Шаригятла гъуйчибад-ли нушани абикибс чебти ахенти гъамтас закат бедес асубирар. Илдазибадли саби узи, рузи, илдала дурхни ва цархилти («Фатавал»).

### Виштгаси дурхялис умудеш бирухели, нешла дазала дулгъутив?

Уршилис умудеш бирухели, илала някъби виштгала урезидехличи къячхедикили гьегъи, дазала дулгъути ахен.

### Сегъуна анцбукълизиб асубируси беггачи лехейзес?

Беггачи лехихъес ва илдала хурматбирес чебиркур илди динничи хебирхути биаллира. Беггачи къаршили дуравхъес асубируси саби илдани хушазибад талаббируси шаригятла къанунтачи къаршиси биубси анцбукълизибцун. Амма беггачил ургала хлебуэ багъандан имканси бирес чебиркур.

### Наб дигхейгули, амма балу-балули беггачи халаси бунагъ барира, наб илис се бирару?

Хурматла рузи, беггачи халаси бунагълис, хушани лукъусиван, беггачи халаси гязабра лебси саби. Амма хушаб имкан леб, ил бунагъ умубарес, урки-уркиларад тавбура дарили, пашманрадиубли ил барниличчи, гъатли ил бунагъличи чархевхъес къасра барили. Идбаг викули сай: «Бунагъуназирад тавбу дируси, сегъуналра бунагъуни агарсилличи цугвиркуси сай».

### Сунени цархил бусурман адам капурдешлизиб гяйиблаируси адамличил варх кайзурли жаназала дехибала дирес асубирусив?

Асухебирар, сенкун, хядислизиб бурни хясибли, бусурман адам капурдешлизиб гяйиблизи урцини херхуси виънила (куфрула) лишан саби. Капурлис гела тлашизурли жаназала дехибала дарес асубируси ахен.

### Ну шери рякъунра, амма дила мурул набчи гъамрахейгубли вебклиб. Гидда ахехъили ну шери рукъес ихтияр лебсив?

Мурул вебклибси хъунул адамлис, 4 базра 10 бархилра дикайчи шери рукъес асубируси ахен, вебклибил муруйчил илди гъамбиубли хлебиалра

### Бунагъ се барили умубарес вирару? Илис се барес хяжатсив?

Урки-уркиларад тавбура дарили гъатли ил бунагъличи чархевхъес къайгъибарес хяжатси саби. Бусурман адамли уркиуркиларад тавбу дарали, Аллагъли ил Сунес вегла дигуси лагъ варес асубирар. («Игъанату ат-Палибин»).

## Рузнама

### Май

дни	Утрений Ac-Субхл	восх.	Обеден. Az-Зугър	После-обеден. Аль-гаср	Вечерн. Аль-Магъриб	Ночной Аль-Гийшаъ
1	3:52	5:41	12:53	16:45	19:54	21:36
2	3:50	5:39	12:53	16:45	19:55	21:37
4	3:46	5:37	12:52	16:46	19:58	21:41
6	3:42	5:34	12:52	16:46	20:00	21:44
8	3:39	5:32	12:52	16:47	20:02	21:47
10	3:35	5:29	12:52	16:48	20:04	21:51
12	3:31	5:27	12:52	16:48	20:07	21:54
14	3:28	5:25	12:52	16:49	20:09	21:56
16	3:24	5:23	12:52	16:50	20:11	21:58
18	3:21	5:21	12:52	16:50	20:13	22:00
20	3:18	5:19	12:52	16:51	20:15	22:02
22	3:15	5:17	12:52	16:52	20:17	22:04
24	3:12	5:15	12:52	16:52	20:19	22:06
26	3:09	5:14	12:53	16:53	20:21	22:08
28	3:06	5:13	12:53	16:54	20:23	22:11
30	3:04	5:12	12:53	16:54	20:24	22:13